

PROGRAM
Utroška sredstava Budžeta Zeničko-dobojskog kantona
za poticaje u poljoprivredi za 2011. godinu

Podaci o Programu

1. Program je usvojen: na 12.sjednici Vlade Zeničko-dobojskog kantona održanoj 13.05.2011. godine.
2. Period realizacije Programa: Isplata podrški za poljoprivredne proizvodnje koje su realizovane u periodu od 01. 01. do 31. 12. 2011. godine.
Napomena: U ovom periodu izvršit će se i isplata podrški za proizvodnje koje su započete u 2010. godini, a završene u 2011. godini.
3. Ukupna vrijednost Programa: **1.493.263 KM**
4. Namjena Programa: Podrška primarnoj animalnoj i biljnoj proizvodnji, preradivačima i otkupljivačima, te kapitalnim ulaganjima u poljoprivredi.
5. Korisnici Programa: Poljoprivredni proizvođači, zadruge, udruženja poljoprivrednika i preradivači prehrambenih proizvoda.
6. Izvor sredstava: Budžet Zeničko-dobojskog kantona za 2011. godinu - Budžet Ministarstva za poljoprivredu, šumarstvo i vodoprivredu - „Subvencije za podsticaj razvoja u poljoprivrednoj proizvodnji", razdjel 23, budžetska organizacija 01, potrošačka jedinica 0001, ekonomski kod 614400, NAD 402 i „Zakon o izvršenju Budžeta Zeničko- dobojskog kantona“ ("Službene novine Zeničko- dobojskog kantona", broj: 04/2011),
7. Odgovorna osoba: Samir Selimović, ministar

I UVOD

U Zakonu o poljoprivredi (*"Službene novine Federacije BiH"*, broj: 88/2007) utvrđeni su pravci budućeg razvoja poljoprivrede. Razvoj se u značajnoj mjeri oslanja na podsticajna sredstva iz Federalnog i kantonalnih budžeta i što je nivo podsticajnih sredstava bliži podsticajima u okruženju (Hrvatska i Srbija), to je realnije očekivati razvoj poljoprivrede na našem području.

Po Programu za 2011. godinu ukupno opredijeljena sredstva za podsticaje u poljoprivredi iznose 1.493.263 KM.

U izradi Programa za 2011. godinu korišteni su slijedeći parametri:

- Proizvodne resursne mogućnosti Zeničko-dobojskog kantona,
- Preporuke Srednjoročne strategije razvoja i Zakona o poljoprivredi,
- Kontinuitet podsticajnih mjera,
- Mogućnosti plasmana podsticajnih proizvodnji,
- Preporuke stručnih poljoprivrednih službi Ministarstva koje neposredno na terenu prate kretanja u poljoprivrednoj proizvodnji i prerađivačkim kapacitetima prehrambene industrije i
- Preporuke naučnih i stručnih institucija iz sektora.

Ispoštovan je dogovor sa Federalnim ministarstvom poljoprivrede, vodoprivrede i šumarstva oko harmonizacije podsticaja, u smislu da nema preklapanja federalnih i kantonalnih podsticaja. Izuzetno preklapat će se oni podsticaji koji po kriterijima sa federalnog nivoa nisu ostvarivi za naše proizvođače, to znači da nijedan proizvođač ne može ostvariti po dva osnova isti podsticaj.

U skladu sa raspoloživim sredstvima, mjere podrške u poljoprivredi iz Budžeta Zeničko-dobojskog kantona za 2011. godinu su usmjerene prema slijedećim proizvodnjama i aktivnostima.

A/ Podrška poljoprivrednoj proizvodnji

A/1 Animalna proizvodnja

- proizvodnja priplodnih junica,
- proizvodnja rasplodnih krmača,
- proizvodnja brojlera,
- proizvodnja konzumnih jaja,
- podrška u finsiranju mliječnih kartona,
- podrška registrovanim farmama za proizvodnju kravljeg mlijeka,

A/2 Biljna proizvodnja

- proizvodnja presadnica povrća,
- proizvodnja povrća u plastenicima i staklenicima,
- proizvodnja maline,
- proizvodnja američke borovnice
- proizvodnja gljiva
- proizvodnja heljde i spelte
- zasnivanje novih zasada maline i borovnice
- zasnivanje novih zasada voća-visokostablašica
- podrška za reprocentre voćnih sadnica

B/ Podrška prerađivačima i otkupljivačima poljoprivrednih proizvoda

B/1 Podrška prerađivačima

- podrška mljekarama za otkup mlijeka sa područja ZE-DO kantona
- podrška prerađivačima za otkup brojlera.

B/2 Podrška otkupljivačima

- podrška otkupljivačima svježeg kravljeg mlijeka
- podrška otkupljivačima za otkup svježeg voća i povrća.

C/ Podrška kapitalnim ulaganjima

- podrška za nabavku mehanizacije za poljoprivredu,

D/ Podrška projektima

- podrška za ujednačeni razvoj poljoprivrede

II KRITERIJI ZA RASPODJELU SREDSTAVA

Odobrena finansijska sredstva iz budžeta Zeničko-dobojskog kantona pod stavkom "Subvencije za podsticaj razvoja u poljoprivrednoj proizvodnji" opredjelit će se fizičkim i pravnim licima (u daljem tekstu: korisnici) prema općim i posebnim kriterijima.

1. Opći kriteriji

Pravo na ostvarivanje podrški stiču:

- korisnici koji su ostvarili primarnu poljoprivrednu proizvodnju ili poljoprivrednu djelatnost obavljaju na teritoriji Zeničko-dobojskog kantona, ako to ovim Programom ili Upustvom nije drugačije propisano.
- korisnici koji imaju stalno mjesto prebivališta, odnosno za pravna lica sjedište, na području Zeničko-dobojskog kantona.
- korisnici koji imaju podnesen zahtjev za upis u registar gazdinstava/klijenata.

2. Posebni kriteriji

- korisnici koji po bilo kojem osnovu nisu izmirili svoja dugovanja prema kantonu neće moći ostvariti pravo na poticaje.
- nepotpuni ili netačno popunjeni, neblagovremeni i izvan propisane procedure dostavljeni zahtjevi neće biti uzeti u razmatranje.
- korisnici koji ispunjavaju posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju ili djelatnost u poljoprivredi u 2011. godini (u daljem tekstu Uputstvo), koje donosi Ministar Ministarstva za poljoprivredu, šumarstvo i vodoprivredu Zeničko-dobojskog kantona.

III PODSTICANJE PROIZVODNJI

A/1 Animalna proizvodnja

1. **Proizvodnja priplodnih junica** - premiraju se dvije kategorije kvalitetnih junica sa iznosima: za I kategoriju 400 KM/grlo, za II kategoriju 200 KM/grlo . Zahtjev za premiju podnosi se za jednu uzgojenu junicu. Junice moraju biti uzgojene na vlastitoj farmi od vlastitih krava, u fazi prve steonosti, vještački osjemenjene i majke i junice, te da ispunjavaju i druge kriterije koji će biti propisani Uputstvom.
2. **Proizvodnja rasplodnih krmača** - premiraju se rasplodne krmače sa 100 KM/grlo kod proizvođača koji na vlastitoj farmi proizvedu najmanje pet rasplodnih krmača, te da ispunjavaju i druge kriterije koji će biti propisani Uputstvom.
3. **Proizvodnja brojlera** - premiraju se utovljeni brojleri sa 0,10 KM/brojler, kod proizvođača koji u vlastitom ili zakupljenom objektu utove najmanje 5.000 brojlera u turnusu, sa subjektom registrovanim za preradu brojlerskog mesa imaju sklopljen ugovor o kooperaciji, te da ispunjavaju i druge kriterije koji će biti propisani Uputstvom
4. **Proizvodnja konzumnih jaja** - premiraju se useljene 18-nedjeljne pilenke lahke linije sa 1 KM/pilenki, kod proizvođača koji imaju registriranu djelatnost proizvodnje konzumnih jaja u vlastitom ili zakupljenom objektu i koji imaju minimalno 1.500 pilenki, te da ispunjavaju i druge kriterije koji će biti propisani Uputstvom.
5. **Podrška u finansiranju mliječnih kartona**-sufinansira se izrada mliječnih kartona za krave u laktaciji sa 30 KM/grlu, kod proizvođača koji su u sistemu otkupa mlijeka ili su registrovani za preradu mlijeka u vlastitom domaćinstvu, te da ispunjavaju i druge kriterije koji će biti propisani Uputstvom.
6. **Podrška registrovanim farmama za proizvodnju kravljeg mlijeka** - podržavaju se farmeri koji imaju registriranu djelatnost za uzgoj muznih krava sa 200 KM po muznom grlu. Minimalan broj grla na farmi je pet, a maksimalan iznos podrške iznosi 10.000 KM, te da ispunjavaju i druge kriterije koji će biti propisani Uputstvom.

A/2 Biljna proizvodnja

7. **Proizvodnja presadnica povrća** – premira se registrovana proizvodnja presadnica povrća u iznosu od 0,05 KM po proizvedenoj presadnici povrća do 500.000 presadnica, te da ispunjavaju i druge kriterije koji će biti propisani Uputstvom.
8. **Proizvodnja povrća u plastenicima i staklenicima** - premira se zasnovana proizvodnja povrća u plastenicima i staklenicima sa 5KM/m² poljoprivrednim proizvođačima (fizička lica) koji imaju registrovanu poljoprivrednu djelatnost (kao osnovnu djelatnost) i 2KM/m² za pravna i fizička lica koja nisu registrovana za poljoprivrednu djelatnost. Premiju mogu ostvariti proizvođači koji proizvodnju povrća realizuju u plastenicima površine od 400 m² i većoj, te da ispunjavaju i druge kriterije koji će biti propisani Uputstvom.

9. **Proizvodnja maline** - premira se proizvodnja maline sa 0,20 KM/kg, kod proizvođača koji imaju zasnovan zasad maline i koji predaju otkupljivaču/prerađivaču minimalno 700kg maline, te da ispunjavaju i druge kriterije koji će biti propisani Uputstvom.
10. **Proizvodnja borovnice** – premira se proizvodnja Američke borovnice-plantažni uzgoj sa 0,30 KM/kg kod proizvođača koji imaju zasade borovnice i koji predaju otkupljivaču/prerađivaču proizvedenu borovnicu, te da ispunjavaju i druge kriterije koji će biti propisani Uputstvom.
11. **Proizvodnja gljiva** – premira se proizvodnja gljiva (šampinjona i bukovača) sa 10,00 KM/toni kupljenog komposta, kod proizvođača koji su proizvodnju gljiva registrovali kao djelatnost, te da ispunjavaju i druge kriterije koji će biti propisani Uputstvom.
12. **Proizvodnja heljde i spelte** – premira se proizvodnja heljde i spelte sa 350,00 KM/ha, kod proizvođača koji imaju sertifikat za organsku proizvodnju ovih kultura. Pravo na premiju mogu ostvariti samo proizvođači koji imaju zasijanu površinu veću od 1 ha, te da ispunjavaju i druge kriterije koji će biti propisani Uputstvom.
13. **Zasnivanje novih zasada maline i borovnice**– premira se zasnivanje novih zasada maline i borovnice na površini od 1 – 5 dunuma, sa iznosom od 400 KM/dunumu, te da ispunjavaju i druge kriterije koji će biti propisani Uputstvom.
14. **Zasnivanje novih zasada voća (visokostablašice)** – premira se zasnivanje novih zasada voća – visokostablašica (jabuka, kruška, šljiva, trešnja, višnja, lješnik, kajsija, breskva i vinova loza,), na površinama od 2 – 5 dunuma, sa iznosom od 600 KM/dunumu te da ispunjavaju i druge kriterije koji će biti propisani Uputstvom.
15. **Podrška za reprocentre voća** – premiraju se reprocentri voća na području Zeničko-dobojskog kantona, registrovani za ovu proizvodnju, sa 3.500,00 KM po hektaru rasadnika, te da ispunjavaju i druge kriterije koji će biti propisani Uputstvom.

B/ Podrška prerađivačima i otkupljivačima poljoprivrednih proizvoda

B/1 Podrška prerađivačima

16. **Podrška mljekarama za otkup mlijeka sa područja ZE-DO kantona** - premiraju se mljekare za otkup mlijeka od proizvođača sa područja Kantona sa 0,02 KM/lit., koje za istu količinu po kriterijima Federalnog Ministarstva poljoprivrede, vodoprivrede i šumarstva ostvare premiju za mlijeko za svoje kooperante, te da ispunjavaju i druge kriterije koji će biti propisani Uputstvom.
17. **Podrška prerađivačima pilećeg mesa** - premiraju se registrovani prerađivači brojlerskog mesa sa 0,10 KM/kg, za proizvodnju organizovanu kod kooperanata sa kojima imaju sklopljene ugovore o proizvodnji i otkupu, maksimalan iznos po jednom subjektu je 500.000 kg, te da ispunjavaju i druge kriterije koji će biti propisani Uputstvom.

B/2 Podrška otkupljivačima

18. **Podrška otkupljivačima za otkup svježeg kravljeg mlijeka** - premiraju se registrovani otkupljivači mlijeka sa 0,02 KM/lit. za količine mlijeka po kojim njihovi kooperanti ostvare premiju za mlijeko po kriterijima Federalnog Ministarstva poljoprivrede, vodoprivrede i šumarstva i sa kojima imaju sklopljene ugovore o proizvodnji i otkupu mlijeka, te da ispunjavaju i druge kriterije koji će biti propisani Uputstvom.
19. **Podrška otkupljivačima za otkup svježeg voća i povrća** - premiraju se registrovani otkupljivači voća i povrća sa 0,03 KM/kg koji od proizvođača sa kojima imaju sklopljene ugovore o proizvodnji i otkupu voća i povrća izvrše otkup, a maksimalan iznos podrške po jednom subjektu iznosi 10.000,00 KM, te da ispunjavaju i druge kriterije koji će biti propisani Uputstvom.

C/ Podrška kapitalnim ulaganjima

20. **Podrška za nabavku mehanizacije za poljoprivredu** - podržava se nabavka mehanizacije za poljoprivredu (traktori, samohodne kosačice i silo kombajni) u iznosu do 25% vrijednosti mehanizacije, za poljoprivredne proizvođače koji poljoprivrednu proizvodnju organizuju za tržište i plasman realizuju preko registrovanih prerađivača ili otkupljivača, što poljoprivredni proizvođač dokazuje računima o kupovini koja je obavljena u periodu od 01. 06. 2010. do 30. 06. 2011. godine. Podrška se odnosi na nove mašine, te da ispunjavaju i druge kriterije koji će biti propisani Uputstvom.

D/ Podrška projektima

21. **Podrška za ujednačen razvoj poljoprivrede na području Zeničko-dobojskog kantona** – s ciljem ravnomjernijeg razvoja poljoprivrede na cijelom području Zeničko-dobojskog kantona u 2011. godini, iz ukupnog budžeta za poticaje u poljoprivredi izdvaja se 150.000,00 KM za šest općina Kantona (Maglaj, Olovo, Usora, Kakanj, Zavidovići i Vareš), koje su u posljednje četiri godine imale najnižu realizaciju poticaja. Sredstva će se odobravati na osnovu projekata koje će dostavljati poljoprivredne zadruge, udruženja poljoprivrednih proizvođača, preduzeća registrovana za obavljanje poljoprivredne djelatnosti, općine putem službi nadležni za poljoprivredu i inividualni poljoprivredni proizvođači. Ocjenu projekta vršit će stručna komisija koju će formirati Ministar Ministarstva za poljoprivredu, šumarstvo i vodoprivredu Zeničko-dobojskog kantona.

Ukupno opredjeljena sredstva između općina dijelit će se u skladu sa brojem stanovnika. U slučaju da neka od šest općina ne ponudi kvalitetne projekte u zadatim rokovima (rokovi će biti propisani Uputstvom) i na taj način ne iskoristi dodijeljena sredstva, ista se mogu usmjeriti prema drugim općinama za koje su namijenjena ova sredstva.

U prilogu Programa data je tabela sa pregledom realizovanih poticaja u periodu od 2007. do 2010. godine sa prikazom realizacije po općinama u odnosu na broj stanovnika i površinu poljoprivrednog zemljišta.

E. Rezerva

Sredstva rezervi koristiti će se za hitne i nepredviđene intervencije koji se pojave tokom budžetske godine, u skladu sa utvrđenim kriterijima u Programu i Uputstvu.

**TABELARNI PREGLED POTICAJA U POLJOPRIVREDI ZA 2011. GODINU
SA IZNOSIMA POTICAJA PO JEDINICI MJERE**

R/B	NAZIV POTICAJA	IZNOS POTICAJA IZRAŽEN U KM PO JEDINICI MJERE	
1.	Premija za uzgoj priplodnih junica	I kat. 400 KM/grlu	II kat. 200 KM/grlu
2.	Premija za uzgoj rasplodnih krmača	100,00 KM/grlu	
3.	Premija za uzgoj brojlera	0,10 KM/kljunu	
4.	Premija za proizvodnju konzum. jaja	1,00 KM/pilenki	
5.	Sufinasiranje mliječnih kartona	30,00 KM/grlu	
6.	Premija po kravi u registrovanim farmama	200,00 KM/grlu	
UKUPNO ANIMALNA PROIZVODNJA		699.000,00 KM	
7.	Premija za proiz. presadnica povrća	0,05 KM/kom.	
8.	Premija za proizvodnju povrća u plastenicima	Registrovana djelat. 5,00 KM/m ²	Neregistrovana djel. 2,00 KM/m ²
9.	Premija za proizvodnju maline	0,20 KM/kg	
10.	Premija za proiz. Američke borovnice	0,30 KM/kg	
11.	Premija za proizvodnju gljiva	10,00 KM/toni komposta	
12.	Premija za proizvod. organske heljde	350,00 KM/ha	
13.	Premija za nove zasade maline i borovnice	400,00 KM/dunumu	
14.	Premija za nove zasade voća visokostablašica	600,00 KM/dunumu	
15.	Premija za reprocentre voća	3.500,00 KM/ha	
UKUPNO BILJNA PROIZVODNJA		381.750,00 KM	
16.	Premija za otkup mlijeka prerađivačima mlijeka	0,02 KM/litru	
17.	Premija za otkup mlijeka otkupljivačima mlijeka	0,02 KM/litru	
18.	Premija otkupljivačima voća i povrća	0,03 KM/kg	
19.	Premija prerađivačima pilećeg mesa	0,10 KM/kg	
UKUPNO PRERAĐIVAČI I OTKUPLJIVAČI		222.000,00 KM	
20.	Podrška za kupovinu polj. Mehaniz.	Do 25% vrijednosti mašine	
UKUPNO KPITALNA ULAGANJA		11.000,00 KM	
21.	Poticaj općinama za ujednačen razvoj poljoprivrede na cijelom području ZE-DO kantona	Sredstva se dijele, proporcionalno prema broju stanovnika, na šest (6) općina sa najnižom realizacijom poticaja u posljednjih četiri godine	
UKUPNO ZA UJEDNAČEN RAZVOJ		150.000,00 KM	
REZERVA		29.513,00 KM	
SVEUKUPNO POTICAJI ZA 2011. GOD.		1.493.263,00 KM	

III NAČIN OSTVARIVANJA PODRŠKI

Podrške ostvaruju korisnici koji ispunjavaju opće i posebne uslove propisane ovim Programom i Uputstvom, kojim će se utvrditi postupak i potrebna dokumentacija te obrasci i drugi relevantni podaci.

Ukoliko drugačije nije propisano Uputstvom, korisnici koji ostvare proizvodnju ili otkupe određene poljoprivredne proizvode podnose nadležnom općinskom organu propisanu dokumentaciju za ostvarivanje podrški, a općinski organ kompletiranu dokumentaciju prosljeđuje na protokol Kantona.

Daljnji postupak sa zahtjevima korisnika provodi se u skladu sa Procedurom za ostvarivanje prava na novčane podrške u primarnoj poljoprivrednoj proizvodnji ZE-DO-PR-023 i Procedurom za ostvarivanje poticaja u stočnoj proizvodnji ZE-DO.PR:024 utvrđenim u standardima BAS EN ISO 9000:2000 i BAS EN ISO 9001-2000.

Izuzetno, ako je to u njegovom interesu, korisnik može aplicirati za ostvarivanje podsticaja u poljoprivredi, poštom ili direktnom predajom dokumentacije na protokol Kantona.

IV SVRHA PROGRAMA

Svrha ovog Programa je da se nastave započeti i otvore novi procesi u poljoprivrednom sektoru, s ciljem da se ostvari;

- a. povećanje obima poljoprivredne proizvodnje,
- b. zadovoljavanje potreba domaćeg tržišta vlastitim proizvodima,
- c. snabdijevanje prehrambene industrije sirovinama,
- d. stabilizacija tržišta poljoprivredno-prehrambenih proizvoda,
- e. razvoj prehrambene industrije,
- f. unapređenje rada zadruga i udruženja poljoprivrednih proizvođača,
- g. smanjivanje ovisnosti od uvoza i stvaranje pretpostavki za izvoz,
- h. stvaranje tržišno orijentisanih proizvođača,
- i. povećanje sjetvenih površina i privođenje kulturi neobrađenog obradivog poljoprivrednog zemljišta i
- j. ravnomjerniji razvoj poljoprivredne proizvodnje na području ZE-DO kantona,
- k. veće zapošljavanje i smanjenje stope nezaposlenosti.

V IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2011. godinu ("*Službene novine Zeničko-dobojskog kantona*", broj:04/2011), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 planiran iznos od 1.493.263 KM.

VI KORISNICI SREDSTAVA

Korisnici sredstava su fizička i pravna lica koja ispune propisane opće i posebne kriterije iz ovog Programa i Uputstva (poljoprivredni proizvođači, zadruge, udruženja poljoprivrednih proizvođača, prerađivači poljoprivrednih proizvoda i dr.)

NAPOMENA:

Po usvajanju Federalnog programa utroška sredstava za poticaj u poljoprivredi ovo Ministarstvo će u skladu sa tačkom 4. člana 2. Zakona o novčanim podrškama u poljoprivredi i ruralnom razvoju ("*Službene novine FBiH*", broj: 42/10) predložiti Vladi izmjene ovog Programa, ako dođe do preklapanje poticaja sa federalnim poticajima.